

BOSNA I HERCEGOVINA



БОСНА И ХЕРЦЕГОВИНА

Tužilaštvo - Tužiteljstvo Bosne i Hercegovine
Тужилаштво Босне и Херцеговине

Posebni odjel za ratne zločine
Broj: T20 0 KTRZ 0023352 22
Sarajevo, 14.07.2023. godine

PRITVOR
HITNO

SUD BOSNE I HERCEGOVINE
- Sudiji za prethodno saslušanje -

Na osnovu člana 35. stav 2. tačka i) i člana 226. stav 1. Zakona o krivičnom postupku BiH, p o d i ž e m:

OPTUŽNICU

PROTIV:

Borislava Gligorevića zv. „Beba“ i „Bebo“ rođenog
1971. godine u Snagovu, opština Zvornik,
državljanina BiH i R Srbije,

Što je:

U periodu od aprila do kraja jula 1992. godine, za vrijeme rata u BiH, u vrijeme dok je trajao širok i sistematičan napad pripadnika Teritorijalne odbrane opštine Zvornik, kasnije Vojske Republike Srpske, policije i paravojnih formacija srpskih snaga, na području opštine Zvornik, koji je bio usmjeren protiv civilnog stanovništva bošnjačke nacionalnosti na području opštine Zvornik, znajući za takav napad te da njegove radnje čine dio napada u svojstvu pripadnika jedinice Bijeli orlovi Teritorijalne odbrane Zvornik, postupao suprotno pravilima međunarodnog humanitarnog prava, kršeći odredbe zajedničkog člana 3. Ženevskih konvencija od 12.08.1949. godine, tako što je nad drugom civilnom osobom ženskog pola, počinio upotrebom sile ili prijetnje silovanje, pa je:

- 1. Tačno neutvrđenog dana u periodu od 25.05. do 02.06.1992. godine, u kojem periodu su u kućama [REDACTED] u selu Liplje u opštini Zvornik, pripadnici Bijelih orlova držali nezakonito zatvoreno oko 400 civila, među kojima su bile i oštećene [REDACTED], za koje vrijeme su civili svakodnevno bili izloženi fizičkom i psihičkom zlostavljanju, ubistvima, a žene svakodnevnom silovanju, osumnjičeni koristeći takve okolnosti u kojima su se nalazili zatvoreni civili dolazio u kuće u kojima su civili držani zatvoreni i vršio silovanja zatvorenih žena, na način da je:*

1.A.

Tačno neutvrđenog dana došao u kuću [REDACTED] u kojoj se tada nalazila oštećena [REDACTED] te joj naredio da krene s njim i odveo je u jednu prostoriju u prizemlju kuće [REDACTED], te počeo skidati odjeću sa oštećene, koja ga je molila da joj to ne radi, pa kad je skinuo svu odjeću s nje, tako голу je oborio na krevet koji se nalazio u toj prostoriji, skinuo svoje pantalone legao na oštećenu i držeći joj ruke iznad glave istu silovao, za koje vrijeme ga je molila da joj to ne radi, na što joj je rekao da će se to svakako desiti bilo od njega ili od drugih i da nema koristi da se opire, a nakon što je silovao oštećenu [REDACTED] nije joj dozvolio da ode iz prostorije i da se obuče, već je oštećenu cijelu noć držao u navedenoj prostoriji i u toku noći je još dva puta silovao, da bi joj ujutro dozvolio da ode na sprat navedene kuće gdje su bile i druge zatvorene žene, [REDACTED]

1.B.

Tačno neutvrđenog dana u periodu dok je bila zatvorena sa ostalim civilima u kući [REDACTED], jedan od vojnika izveo oštećenu [REDACTED] i odveo u obližnju kuću [REDACTED], gdje se nalazilo više vojnika među kojima i osumnjičeni, koji su mu rekli: „Jesi

li pronašao bulu koju si tražio?“, na što im je on odgovorio: „Jesam,“, a ti vojnici mu rekli: „Kad završiš javi da i mi dođemo na red“, te je uveo u kuću i u jednoj od prostorija kuće silovao, nakon čega je u sobu ušao osumnjičeni i pitao vojnika koji je silovao ■■■: „Jesi gotov?“ na što je on odgovorio: „Jesam, samo dok se okupa, sačekaj.“, te naredio ■■■ da se ide okupati, dok je ista plakala i molila da je puste ■■■, pa kad se ■■■ ponovo okupala i izašla iz kupatila, gdje je bila obukla odjeću na sebe, ispred vrata je dočeka osumnjičeni, koji je bio samo u gaćicama, te joj naredio da se skida, te dok je ista plakala i molila da je pusti uveo je u jednu prostoriju u ■■■ kući u kojoj je bio neki stol, te galameći naredio da skine odjeću, što je ista od straha i učinila, a zatim je silovao na tom stolu, nakon čega je ■■■ vraćena u ■■■ kuću;

1.C.

Tačno neutvrđenog dana u periodu dok je bila zatvorena sa ostalim civilima u kući ■■■, oštećena ■■■ više puta izvođena i odvođena u obližnje kuće, gdje je višestruko silovana od više vojnika, pa je i osumnjičeni jednom izveo oštećenu i odveo u obližnju kuću ■■■, gdje je istu silovao, za koje vrijeme se oštećena opirala, a osumnjičeni je tukao rukama po glavi govoreći da bude mirna, nakon čega je ponovo vratio u kuću u kojoj je bila zatvorena;

Čime bi počinio krivično djelo Zločini protiv čovječnosti iz člana 172. stav 1. tačka g) Krivičnog zakona Bosne i Hercegovine, u vezi sa članom 180. stav 1. Krivičnog zakona BiH.

TUŽILAC
TUŽILAŠTVA/TUŽITELJSTVA BiH